



TĒNEI AU

Tēnei au

Tēnei au

Ko te hōkai nei taku tapuwae

Ko te hōkai nuku

Ko te hōkai rangi

Ko te hōkai ā tō tupuna

A Tāne-nui-ā-Rangi

I pikitia ai ki te Rangi-tāhāhā

Ki te Tihi-o-Manono

I rokohina atu rā

Io Matua Kore anake

I riro iho ai

Ngā kete o te wānanga

Ko te Kete Tuauri

Ko te Kete Tuatea

Ko te Kete Aronui

Ka tiritiria ka poupoua

Ki Papatuānuku

Ka puta te ira tangata ki te whaiao

Ki te ao mārama